



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za žalbe i Predstavke

Anr.452/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Ferki Xhaferi kryesues, Adnan Konushevci dhe Faton Ademi, anëtarë, me pjesëmarrjen e zyrtarit të lartë ligjor Kudret Hasani, duke vendosur përkitazi me ankesën subjektit politik Lëvizja Vetëvendosje, me seli në Prishtinë, paraqitur kundër subjektit politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për subjektet politike – Thyerja e heshtjes zgjedhore, për Zgjedhjet e Parakohshme për Kuvendin e Republikës së Kosovës, të mbajtura me datën 14.02.2021, në seancën e panelit të mbajtur me 15.02.2021, mori këtë:

V E N D I M

I. PRANOHET e bazuar ankesa A.nr.452/2021 e datës 14.02.2021, e ushtruar nga subjekti politik Lëvizja Vetëvendosje, me seli në Prishtinë, ndërsa subjektit politik Partia Demokratike e Kosovës (PDK), me seli në Prishtinë, i shqiptohet gjobë në lartësi prej 3,000.00 (tremijë) euro, në emër të shkeljes së Kodit të Mirësjelljes për subjektet politike – Thyerja e heshtjes zgjedhore.

II. DETYROHET subjekti politik Aleanca për Partia Demokratike e Kosovës (PDK), me seli në Prishtinë, që gjobën e shqiptuar si në pikën -I-, të dispozitivit të këtij vendimi, ta paguajë në afat prej 15 ditëve, nga dita e marrjes së këtij vendimi, nën kërcënim e shqiptimit të dënimit shtesë.

A r s y e t i m

Lëvizja Vetëvendosje (LVV) qendra në Prishtinë, ka parashtruar ankesë A.nr.452/2021 me datë 14.02.2021, me të cilën pretendon se kandidati për deputet nga subjekti politik PDK Bekim Haxhiu ka thyer heshtjen zgjedhore duke i dërguar qytetarëve SMS rreth aktivitetit të tij elektoral ku nëpërmjet këtij mesazhi kandidati Bekim Haxhiu gjate heshtjes zgjedhore kërkon që të votohet Partia Demokratike e Kosovës dhe ai si kandidat për deputet. Parashtruesi i ankesës thekson se nga provat e bashkangjitura kësaj ankese vërehet se SMS i kandidatit në fjalë është dërguar në heshtje zgjedhore, veprime këto të sanksionuar me nenin 36 par. 1 pika b) të LZP-se dhe nenin 8 paragrafi 1 pika c) të Rregullës Zgjedhore 13/2013 të KQZ-se dhe si provë ka bashkangjitur një fotografi të printuara lidhur me rastin në fjalë.

PZAP-i, në kuptim të nenit 7 par.1 të Rregullave dhe Procedurave të PZAP-it e informoi subjektin politik PDK, lidhur me ankesën e paraqitur nga subjekti politik Lëvizja Vetëvendosje.

Në përgjigje në ankesë të datës 15.02.2021, subjekti politik PDK, i ka kundërshtuar pretendimet e ankuesit duke theksuar se nga provat e ankuesit nuk dihet se kujt apo cilit numër i është dërguar ky sms sepse nuk dihet as numri i dërguesit e as i pranuesit, çka mund

të jetë edhe inskenim apo manipulim me numrat telefonik dhe e njëjta thekson se ky subjekt politik me datën 02.02.2021 përmes njoftimit zyrtar dhe publik në web faqen e partisë dhe në rrjetet sociale i ka adresuar thirrjet për respektimin e ligjit për zgjedhje dhe kodit të mirësjelljes.

Paneli, pasi që shqyrtoj të gjitha shkresat e lëndës në kuptim të nenit 117 par. 2 të LZP-së, gjeti se:

Ankesa është e bazuar

Paneli pas shqyrtimit të shkresave, e posaçërisht nga foto e ofruara si provë nga parashtruesi i ankesës, e cilat gjenden në shkresat e lëndës, në mënyrë të padyshimtë, ka konstatuar se kandidati për deputet nga subjekti politik PDK Bekim Haxhiu përmes SMS ka bere thirrje tek qytetarët e Kosovës që të votohet subjekti politik PDK dhe numri i saj 134 me të cilin ky subjekt politik garon në këto zgjedhje si dhe të votohet kandidati Bekim Haxhiu me numër rendor 109, veprime këto që janë në kundërshtim me nenin 36.1 pika b) e LZP-së, e cila përcakton *“Njëzet e katër (24) orë para hapjes së Qendrës të Votimit për hedhjen e votës, e deri në mbylljen e tyre, subjekteve politike, mbështetësve ose kandidateve të tyre u ndalohe bërja e fushatës në çfarëdo mënyre”*.

Paneli, vendimin e tij e ka mbështet në dëshmi të qarta dhe bindëse siç përcaktohet me nenin 117 par. 3 të LZP-së, prandaj pretendimet në përgjigje në ankesë nuk u cilësuan me ndikim në meritat e lëndës.

Parashtrimet në përgjigje në ankesë, se subjekti politik PDK nuk ka dërguar asnjë SMS tek qytetarët dhe se nuk dihet as numri i dërguesit dhe as i pranuesit, paneli e vlerëson si jo relevante, për faktin se mesazhet janë dërguar në emër dhe për llogari të subjektit politik në fjalë dhe kandidatit të tij ku nga fotot e bashkangjitur në ankesë shihet çartë se SMS ju janë drejtuar qytetarëve të Kosovës duke ju bërë thirrje që të votohet subjekti politik PDK me numër rendor 134 me të cilën ky subjekt politik garoi në zgjedhjet e 14 shkurtit 2021 si numrin e kandidatit të tij për deputet me numër 109 Bekim Haxhiu, veprime këto që janë në kundërshtim me dispozitat ligjore të Nenit 36.1 pika b) i LZP-së, ku përcaktohen veprimet e ndaluara para procesit të votimit nga ana e subjekteve politike. Ky përfundim ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit.

Paneli, me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalët, shkallën dhe peshën e shkeljes, pjesëmarrjen e subjekti politik në zgjedhjet e mëparshme që konsiston në faktin se subjekti politik PDK, ka qenë e njoftuar me obligimet dhe përgjegjësit gjatë procesit të fushatës, shkeljet e rregullave dhe Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me Rregullat zgjedhore si dhe shumën e fondeve që ka marrë subjekti politik prej Buxhetit të Republikës së Kosovës, për zhvillimin e aktiviteteve

lidhur më fushatën zgjedhore. Paneli po ashtu me rastin e përcaktimit për lartësinë e gjobës ka marrë parasysh edhe përgjigjen në ankesë të subjektit politik

Përveç të cekurave më lartë Paneli, me rastin e vendosjes i vlerësoi edhe të gjitha pretendimet e subjektit politik PDK, në kuadër të pretendimeve të theksuara në përgjigje në ankesë, mirëpo të njëjtët ishin jo relevante dhe pa ndikim për një vendimmarrje ndryshe nga ajo që është vendos.

Nëse subjekti të cilit i është shqiptuar dënimi nuk e paguan të njëjtin brenda afatit të përcaktuar në dispozitiv të tij, atëherë në pajtim me nenin 120.2 të LZP-së, subjektit do ti shqiptohet dënim shtesë. Ky paralajmërim për dënim shtesë është përcaktuar me nenin 120.2 të LZP, i cili përcakton: “ 120.2 Dështimi për të paguar dënimin apo për t’ju bindur një urdhërese të PZAP-it brenda periudhës kohore të saktësuar në vendimin e PZAP-it, është një shkelje tjetër e këtij ligji që mund të sanksionohet me dënim shtesë nga PZAP-i. ”, ashtu siç është vendosur në pikën II të dispozitivit të këtij vendimi.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia
Anr. 452/2021 më datën 15.02.2021

Kryesuesi i Panelit
Ferki Xhaferi



Këshilla Juridike: Kundër këtij vendimi nuk është e lejuar ankesa sipas nenit 118.1 të LZP-së,